

Alasvezes, o tiempo retecula e te retrobas un poema naixiu n'un momento d'ausenzia, de soledat, de tristura...L'Aínsa, choven, feliz treballando con os zagals n'o Instituto, pero soledat que s'eternizaba n'a nueit n'o mío cuarto d'a Fonda Sánchez... tristura n'ixa vrispa d'u nuevo día...Asinas naxió iste poema en 1969 (talmén en aviento d'o 68) que musicó Pilar Garzón, una voz perdida pa la musica aragonesa, e aquí lo porto cantau pero Hato de Foces istas zagueras fiestas de Uesca.

O día torna siempre per o mesmo camín
Y cuan i plega a escureldá se'n va.
Qué escura y fosca ye a vrispa,
Qué tarde arriba a luz astí.
Tanco os uellos y veigo a claredá
Que ye partida
E que á o maitín en tornaré.
Qué escura y fosca ye a vrispa,
Qué tarde arriba a luz astí.
Y cuan i plega a luz me besa os uellos
Que n'a nuei han sabiu
D'escuras y amargas penas.

<https://www.youtube.com/watch?v=x4btwVysZr0>



[youtube.com](https://www.youtube.com)

[012 QUE ESCURA Y FOSCA](#)

[CONCIERTO DE OLGA Y LOS MINISTRILES CON HATO DE FOCES EN
HUESCA FIESTAS DE SAN LORENZO 2017. CELEBRACION DEL 40
ANIVERSARIO DE LA FUNDACIÓN DE HATO DE FOCES](#)